

5 Arrodea a palabra que se axusta a cada definición.

- Parar de chover.

▶ **escampar** diluviar ventar

- Pequena porción de auga xeadada que cae cando neva.

▶ fungalla gota **folerpa**

- Auga conxelada que cae en forma de gran.

▶ borrasca vapor **sarabia**

- Humidade do aire que, co frío da noite, se condensa e se deposita en pingas pequenas.

▶ néboa **resío** chuvia

- Tempestade violenta, con ventos moi fortes e arremuíñados, que causa grandes desastres.

▶ trono brisa **tornado**

6 Completa cada oración cun substantivo feminino derivado do verbo proposto.

sarabiar

A sarabiada foi tan forte que abolou o coche de meu pai.

xear

A xeadada desta noite queimoume as plantas do balcón.

tronar

A vila quedou sen electricidade a causa da tronada.

nevar

Aquela nevada tan intensa impediu que fósemos á escola.

mollar

Chovía moito e non tiña paraugas. Que molladura pillei!

7 Escribe a palabra primitiva a partir da cal se formou cada unha destas palabras derivadas.

- chuvioso ▶ chuvia

- clarear ▶ claro

- nubrado ▶ nube

- escurecer ▶ escuro

- neboento ▶ neboa

- relampar ▶ relampo

- caloroso ▶ calor

- airear ▶ aire

- ventoso ▶ vento

- apedrar ▶ pedra